

伊人宛在

福建二十五烈士遺像跋語

自革命思潮日熾人人咸具有光復之志願拯斯民于水火驅異族于遐方然其成功非一朝一夕之事庚子以來革命軍起於廣州起浙起於萍鄉醴陵起於黃岡鎮南關河口前仆後繼若斷若續舉事雖不同時其志則一也亦可見革命軍之勢力日進不止其間雖多失敗然失敗者成事之母也光復祖國組織新政府斯爲何事又安有一蹴可幾者哉此志士仁人所以憤祖國之淪亡痛異族之無狀固知事之不成而仍舍身就義者接踵而至也余晉人也居閩久今年三月廣州之役見閩人恐後爭先赴粵大舉不料漢奸潛通事機敗露未竟厥功而閩人死于義者二十有五人曰林時壘林覺民陳可鈞陳與燦劉六符劉元棟陳更新林尹民方聲洞馮郁莊郭炎利郭增興郭鈿官郭天財翁長祥陳孝文陳大發林茂增王文達曾顯虞金鼎周圍生吳順利章雲興卽今之儼然在墓者也嗚呼死者已矣生者當何如吾望同志之未死者須謀處死之道蓋吾黨事業非鐵血購不得真自由非鐵血脫不得奴隸籍非鐵血摧不得虜政府非鐵血雪不得吾祖宗之恥辱人生在世既不能無死則泰山鴻毛之辨正當力爭上游文文山曰好烈烈轟轟做一場古人豈欺我哉是以果能犧牲身命以救同胞視死如歸無所恐怖則成仁取義雖死猶生烈士諸君足以當之矣然余更有望焉諸君魂兮有靈勿謂已死之身責任已了滅國恥辱生死共之諸君生爲義俠之人死必爲英靈之鬼當有以相吾黨事業之成也嗚呼諸君君今死矣其遺風餘烈猶足以鼓盪一世千載而下聞者莫不興起也雖然君等之傳旣已飛騰于報不脛而走全國而君等之偉像則寥寥不數觀使愛君慕君者不獲覩諸君之丰采可乎哉用是不量綿力集君等之偉像刊而出之恨未全璧僅有七人餘則竭吾力求之冀克達其目的特恐未能猝辦曠日彌久故先行刊布俾心儀者得以先睹爲快倘亦海內外同志所心許也夫

敘

黃花崗裏血漬糝糊愁風淒雨之中竟演此一場血戰炫耀數千秋之歷史震動五大洲之人物革命之成敗雖不可知而要爲民族中
所不能免一國中所不能逃之階級成則舉世皆歡享平權自由之幸福敗則獲罪喪身慘雲毒霧暗淡無地此革命之魂所以傳流萬
世而不滅者也古稱燕趙多慷慨悲歌之士不得志則往往成田橫橫劍漸離擊筑之風大江以南則不然也鐵血生曰是豈賦於天者
之獨偏哉明以前外患集於西北戰機時發民無甯時人民剛悍雄武之慨與外患相終始故其秉數千載遺尙無不習勞忍苦不失軍
人之雄風自戰國楚漢而後降及唐宋季世羣雄分據鼎立亦無不以中原爲逐鹿之場兵燹數千年以至於今生死遺民焉有不秉性
特殊於衆者耶南部開闢稍晚禍患不劇金粉無愁河山不武數千年來微特彪炳事業難媲北方此地地勢使然非賦於天者之獨爾爾
也今也不然外患之來無東無西無南無北崑崙以左東海以右全入陣雲南方民氣亦因是一躍而與燕趙并馳矣有明鼎革以後忠
臣義士連鑣南下一時氣節深鐫人心自台灣鄭氏諸人無不擁十萬之師苦戰累年事成與否姑置無論而南方民族雄武之風可概
見矣閩粵江浙沿海而居海外交通斯爲最早感觸所發於是乎烈近十年間南方燦爛之花獨先蓓蕾誰謂南方終不可有所爲耶凡
專制政府之下其民苟無改革思想則終身湮沒沒有富於民族思想者崛起而起則專制政體適爲造就愛國英雄之具滿洲入關荼毒
我黃裔蹂躪我人民唯恐滅亡之不速是正英雄有事之秋南風大競中原雲從洗我二百餘年之毒虐豈非英雄任事立業時耶披觀
吾閩赴義諸君遺像莫不巍巍凜凜慷慨赴死從容就義好男兒爲國流血輕頭顱拯救蒼生有此不崇拜尙有逾於此者乎且不假公
器殃民甯使束手捐軀或作快論而警告當途或慕英烈臨刑不變或呼除暴或恥爲奴嗚呼諸君雖死而不死矣其心聲長留天壤壯
十閩之物色成敗雖不可知其心良可哀而其志誠足尙自有諸君之勃起而今而後不得謂閩無人也

黃帝紀元四千六百零九年秋八月中辭綴江懷夷子謹敘於古閩光復齋



林 文

W. Ling.

垣	於	十	孫	元	南	縣	壞	塵	烈
廣	七	也	鴻	巡	人	福	一	士	字
州	戰	年	年	撫	故	州	名	廣	
省	死	二	之	狀	雲	閩	時		



林 意 洞

A. D. Ling.

烈 士 福 字 覺 民 閩 縣 人 二 十 四 年 十 其 爲 美 稱 少 年 當 李 華 提 訊 時 在 堂 上 大 演 說 者 也



陳 可 鈞

K. G. Chen.

就	初	也	侯	四	年	字	希	烈
義	三	四	官	福	二	少	吾	士
	日	月	人	州	十	若	又	字



陳 與 新

Y. S. Chen.


焉	督	君	之	月	十	人	州	與	烈
	署	從	役	廿	四	年	侯	新	士
	死	攻	陳	九	三	二	官	福	陳



陳 更 新

H. S. Chen.

義	三	四	侯	二	年	字	鑄	烈
	日	月	官	福	二	耿	三	士
	就	初	人	州	十	心	又	字



林 尹 民

Y. M. Ling.

將	爲	人	死	役	廣	閩	歲	二	無	靖	烈
軍	神	稱	焉	奮	州	縣	福	十	我	巷	士
	武	之	黨	戰	之	人	州	五	年	號	字



方 聲 洞

S. D. Fong.

城	死	黃	縣	福	二	子	烈
南	廣	興	人	州	十	明	士
	州	戰	從	閩	六	年	字

